

**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

10. Explicatio variarum cæremoniarum Sabbatho Sancto.

Nutzungsbedingungen

[urn:nbn:de:hbz:466:1-54780](#)

victima Sacrificii. Vocabulum istud latius sumendo, in hoc sensu verum est; quod dicit Sacerdos in oratione *Orate Fratres, ut memorem vestrum Sacrificium &c.* Ita Suar.

10. *Explicatio variarum ceremoniarum Sabatho Sancto.*

*S*abbatum hoc antonomasticè appellatur *Sanctum*, quia sacer baptismatis fons benedicitur, & olim baptizabantur Catechumeni. Vel quia Sanctus Sanctorum quievit in sepulchro die Sabbathi.

Cooperiuntur Altaria, quia Christus in resurrectione stolam gloriae induit. Excutitur ignis de lapide, hoc est sacer ignis accipitur a Christo, qui est lapis angularis. Antiquus autem ignis exinguitur, quia lex finem habet. Ante portam Ecclesiæ benedicitur novus ignis, quia extra portam passus est Christus. Hinc Paulus: *Exeamus ad eum extra castra, &c.* Porta Ecclesiæ clausa, & hastili Crucis aperta designat Jerusalem cœlestem per Christi passionem nobis referatam.

Per quinque grana incensi significantur aromata à piis mulieribus empta ad ungendum JESUM. A consecratione autem luminis inchoatur Paschalis solennitas, quia hæc æternæ lucis contulit claritatem. Porrò quod Diaconus induitus dalmaticâ albi coloris accipiat iuxta rubricam arundinem cum tribus candelis in summitate trianguli positis prælente Sacerdote. Significat primo, quod inferior Minister annuntiat

ties Christi resurrectionem, ut inferior mulierum sexus iplis Apostolis eam nuntiavit. 2dō. Alba dalmatica festiva est; & ideo congruit benedictioni cerei. 3tō. Arundo humilitatem passionis Christi indicat. Et sicut teste Athan. arundo serpentes necat, ita passio Christi Diabolum vicit. 4tō. Candelæ in calce vel culmo arundinis sunt quasi quid unum, in tres autem supra dividuntur ad designandum mysterium unius & trini Dei. Cereus Paschalis significat Christum resurgentem; & quidem cera corpus, elichnium animam, lumen Deitatem designat. Cereus porto nondum illuminatus repræsentat columnam nubis præcedentem Israelitas in itinere in terram promissionis, illuminatus autem columnam ignis, quæ hodie præcedit catechumenos transentes per mare baptismi. Grana quinque cereo infixa aperte designant quinque Christi vulnera. Sumpto lumine à cereo vel à candelis arundinis accenduntur lampades vel luminaria cætera, quia Christus resuscitatus accedit in Apostolis ignem Spiritus S.

12. Lectiones significant 12. Apostolorum doctrinam, quâ erudiebantur Catechumeni. Cantica tria sive tractus post quartam octavam & undecimam lectionem erant indicia exultantium Catechumenorum de instante baptismo. Orationes indicant expectationem, & desideria SS. PP. in limbo per Christum resurgentem liberandorum. Dum celebrans post Prophetias dicit *Oremus*, Diaconus addit *Flectamus genua*, Subdiaconus *Levare exceptâ NB.* ultimâ oratione

tione. Quia tres pueri, de quibus in Prophētia duodecima & ultima agitur, noluerunt genua flectere statuæ Nabuchodonosoris. Finitis Prophetiis proceditur ad benedictionem fontis baptismalis. Et quia per baptismum significatur mors, sepultura, & resurrectione Christi teste Ap. ad Rom. 6. Hinc is potissimum hoc die celebrabatur. Litaniæ omnitim Sanctorum baptismo Catechumenorum peracto canebantur ad significandum confortium omnium Sanctorum cum neobaptizatis.

II. Explicantur varia in Missa Sabbathi S. observanda.

IN Missa Sabbathi S. præcedit *Alleluja tractus*, quia gaudium quidem insinuat Paschale, sed nondum est plenum. *Alleluja* enim gaudium, *tractus* luctum designat. Est ergo latitia in spe proxima de insecuritate Christi resurrectione. Ad Evang. non portantur luminaria, sed tantum incensum, per quod significantur aromata mulierum ad monumentum appropata sine lumine fidei. Devotio aderat, fides obscura & infirma erat circa divinitatem Christi. Non dicitur *Credo*, quia Apostoli nondum credebat resurrectum Christum. Non *Offertorium*, quia mulieres sub silentio ibant cum aromatis ad sepulchrum. Pacis osculum non datur, quia nondum dixisse narratur Christus *Pax vobis*. Non dicitur *Agnus Dei*, quia nondum credebat Christus Redemptor animarum ad tollenda peccata hominum. *Postcommunio* omit-